

# دگہ جہانے بوٹ کنت

۵

## پاکستانا

جنسی و جنسیتی اکلیتانی جُهدئے سرگوست



شیش رنگ شنککار (ایرانی لڑبین و ترسجندرانی کاردام)

نمبر ۵

## «دگه جهانے بوت کنت»

پاکستانا جنسی و جنسیتی اکلیتانی جُهدئے سرگوست



شنگکار: شش رنگ (ایرانی لزیبن و ترسجندرانی کاردام)

## لڑ:

- ۴..... سردانک
- ۶..... پاکستانا جنسی و جنسیتی اکلّیتانی جُنزئے سرگوست
- ۹..... استئمار، اسلام و همجنس پسندی رابتھانی جرم زانگ
- ۱۲..... جنسی و جنسیتی اکلّیتانی بارئوا پاکستانی راجمانئے دُگانگی
- ۱۵..... ترنسجندر (تی) و جنسی اکلّیتانی راجمانئے (ال. جی. بی) آدگه بهرانی نیاما شم
- ۱۷..... پاکستانا «سئیم جنسئے» بُنگپ
- ۲۰..... ھجڑایانی جُنز، ترنس و سؤب
- ۲۷..... ۲۰۱۹ تان ۲۰۲۴، پاکستانا کانونی بدلی
- ۳۶..... آسرال
- ۳۷..... لھتین کارمرز بوتگین سرشون

سجھین دنیا ال جی بی تی پلاس راجمانے (همجنس پسند، دوجنس پسند، ترنس و میان جنس) ملیون مردم أنت که وهدے وتی جنسی هئیال و جنسی پجّارے پرک و دگریا گۆن وتی چپ و چاگردے بالادستین استریوتایپان سرپد بنت، آیانی هئیال همش انت که ایوکا آ «دگر» أنت و لهتین تان وتی زندے گڈی روچان چه ایوکی و گستا بئیگے مارشتا ازاب بنت. چه اشان بازیئیے هئیال همش انت که آیانی رنج و ازاب بیدور و چه سگ و برداشتا ڏن انت و نتوانت اے ایوکیے تھا وتی جاورھالا بدلینت. بله چه اشان لهتین که وتی همدروانی شوهازا جهد کننت زاننت که سگی سورانی اے دنیاا تهنا نه انت و آیانی چپ و چاگردے مردمانی تھا و آیانی راجمانے تھا بازیں مردمے هست که چه انچین مارشت، مسله، رنج و ازاب و شادهیان گوستگ انت و گوزگا انت. وهدے آ وتی پئیمین آ دگه مردمان پجّاه کارنت و گۆن آیان پجیگین درد و دوّرانی بارئوا هبر کننت، جاورھالے بدلینگ و چه سگی سوریان در آيگے راه، زانگ و تچک کنگ بنت.

جمانک «دگه جهانه بوت کنت» پمیشکا نر آرگ، رجانک کنگ و شنگ کنگ بوتگ که گۆن ایرانی ال جی بی تی پلاسے راجمانا بگوشیت که ایوکا آ نه انت که چه وتی جرمین زندور و راجمانی و کانونی آزارپجّاریان ازاب انت، دگه بازیئے بوتگ و هست که سگ گرانین جاوریئے تھا، گوستگین و انوگین وهدا په وتی بُنیاتی هگ و اوّبال و انسانی مڑاها جهد کرتگ و کنگا انت. اے جمانکا لهتین ملکانی تھا چو که هندستان، جرمنی، ترکیه، نپال و پاکستانا په کانون و شونداتانی بدلینگا ال جی بی تی پلاسے جنزانی سرگوست مچ کرتگ

و نر آورتگ. گون همے اُمیتا کہ ایرائے ال جی بی تی راجمان گون آدگہ  
راجمانانی سرگوستے پگاترین زانگ و آیانی جُهد و سوہمندیانی سرا گئور کنگا  
پہ وتی لوٹ و واہگانی دیما برگ و پیلئو بئیگا نوک و آسردارین راہ در بگیجیت.  
اے ورجن سال ۲۰۲۴ نوکازگ بوتگ و ہما بدلی و ایرشیوگ و بالادگانی بارئوا  
ہبر کنت کہ جنسی و جنسیتی اکلیتانی راجمان مان گوستگین سالان اے  
ملکانی تھا گون آیان دیم پہ دیم بوتگ انت. اے جمانکے پنچمی بہرا ہما  
بدلیانی سرا تران کنگ بوتگ کہ پاکستان بوتگ انت و اے دیمرئوی چارگ  
بوتگ انت.

اے گونڈ گپتگین نبشتانک ہما بدلیانی سرگوست انت کہ پاکستان بوتگ انت و  
چہ جنسی و جنسیتی اکلیتانی ہکپانین جہدکار و رمانی جہد و کوشستانی  
راہا بوتگ انت.

اے جمانکے ائولی بہر ہندستانے سرگوستے بارئوا انت، دومی بہر جرمنیے  
سرگوستے بارئوا، سئیمی بہر ترکیہے سرگوستے بارئوا و چارمی بہر نیالے  
بارئوا انت و راجمانی رسانکدر و شش رنگے وبتاکا دست کپیت.



پاکستانا جنسی و جنسیتی اکلّیت مدام راجمانی بندشت و پرکاریانی زور و زرابئے چیرا زند گوازیمنت کہ بیواستہین ڈٹولیا مان پاکستانا گون آسانی ہکوکی جاورہالا پیوست بیت. تننا شہرانی تھا و ٹوہترین مچانی تھا جنسی و جنسیتی راجمان پہ اشیا کہ وتی زند و وتی گئیر دگہ جنس پسندین رابتہان گستاين جاگہان ببرت مجبور انت. پاکستانا گئیر دگہ جنس پسند و چہ جنسیتی دگانہا ڈٹین ہئال و پچار و جنسیتی درشانئے آسر کزایی رندگیری بوت کنت. انچین رندگیری کہ کانونی بئیگئے سئوبا جائز لیگ بنت، زندئے وڑیا و زندئے بارئوا دیدانکیا آئیے آمترین مانایا جرم زانت. پاکستانے جزایی ہکوکا پہ ہمجنس پسندین زندا لہتین سزا گیشینتگ و دو ہمجنسے رابتہان گرانین سزا گون انت. لہتین وهدا اے سزا یک پئیمین مؤردانی سرا ہم تھر تھریں وڑان ائمال بنت. اے کزایی کانون سال ۱۸۶۰ ایسایا ہما استئماری بُجاورا کہ آئیے تھا پاکستان چہ «ہندستانا» بہرے بوتگ، ٹھینگ و منگ بوتگ و اے پئما ہمجنس پسندانی جنسی و جنسیتی اکلّیتانی جرم زانگ گون برتانیہے استئماری سرگوستا کہ ہندستانا بوتگ بیواستہین وڑا جرتگ. اے استئماری کانون «سودومی»<sup>۱</sup> نامین تابیریے چیرا ہمجنس پسندین جنسی سلوک و رپتارا جرم لیکیت. مسیہیتے سرا یک باور و دیدانکے ہست کہ آئیے ردا ہر پئیمین جنسی رپتار و رابتہ کہ آئیے تھا «چگ و بر کنگ» مبيت ناراه و پُرگناہ انت و سودومیا چہ اشیا بُنزہ

<sup>1</sup> Sodomie

زرتگ. مروچان چه اسلاما تهر تهرین تابیران، و پاکستانے راجمانے مزین  
بهرانی کوھن پسندیا هم انچین جاورے جوڑینتگ که جنسی و جنسیتی  
اکلیت گون گیشترین زور و زرابان دیم بکینت.

هر چنت انون پاکستانے سرکارا کم و گیش همایتی کانون په ترنسجندران  
منتگ بله انگت دو بالگین همجنسے رزامندین رابته شریته رهبدانی ردا  
زری، جیل و بندی و آزارچاری سزا کاریت و هاس مهزبی ٹولی و آیانی رهشون  
پدراپیا دو همجنسے رابتهه هلاپا انت.

ایلگا آسیائے اهوئے ردا که سال ۲۰۲۱ آ پیش کنگ بوتگ، پاکستانے مهزبی  
راجمان هچ پیما ال جی بی تی مردمانی پله مرزیا نکنت.<sup>۲</sup>

بله انگت پاکستان گوستگین سالانی تها «سئیم جنسے» هسابا ترنسانی  
پچارے منگا چه هاسین بدلان گوستگ بزان ڈوله که ترنسانی بابتا کم و  
گیش راجمانی اوپار گندگ بیت و گون سجھین هما زور و زرابانی بئیکا هم که  
چه گیش پسندین مسلمانانی نیمگا بنت کم و گیشین هکوکی بدلی په  
ترنسانی همایت کنگ و هئیلداریا بوتگ.

---

<sup>2</sup>[[https://static1.squarespace.com/static/5a84777f64b05fa9644483fe/t/60dd681a1fa553242243d217/1625122864378/Pakistan\\_Country\\_Report\\_ILGAAsia\\_2021.pdf](https://static1.squarespace.com/static/5a84777f64b05fa9644483fe/t/60dd681a1fa553242243d217/1625122864378/Pakistan_Country_Report_ILGAAsia_2021.pdf)]


«ہجڑا»<sup>۳</sup> یک گالبندے کہ زرباری آسیایا بزان «ہندستان و پاکستان» پہ مزنین بھرے چہ ترسجندر، میان جنس و ہما مردمان کار بندگ بیت کہ آیانی جنسی درشان و پچار «جنین و مردینئے» دگانگا جاگہ نکنت. پاکستان ہجڑا کم و گیش نیم ملیون انت. ہما بدلی کہ گیشتر گوستگین یک دہکا گیش جنسی و جنسیتی اکلیتانی بارئوا گندگ بنت اشانی تہا ہجڑا «سئیم جنسئے» ہسابا منگ بوتگ انت.<sup>۴</sup> اے ہسابا پاکستانئے جاورہال جنسی و جنسیتی اکلیتانی ہد و ابیلا دگانگ و بددؤلین جاوریآ پیش دارگا انت. اے ملک دنیائے کمین ہما ملکانی شمارا انت کہ اودا تنتنا انچین آیدی کارت دئیگ بیت کہ سئیم جنسئے لبزش مان انت بلہ اے ہما ملک انت کہ اودا تان انگتا ہمجنس پسند و جنسی و جنسیتی اکلیتانی مزنین بھریا مجرم گوشنت و اے پیما آ ہاسین جوڑشتی و راجمانی زور و زرابانی چیرا انت.



<sup>3</sup> Hijra

<sup>4</sup> <https://www.faz.net/aktuell/gesellschaft/pakistan-das-dritte-geschlecht-erhebt-die-stimme-14903024.html>





«سئیم جنسیئے» دروُشما ہندی ہُدا «شیوائے» شُبینے

پاکستانے جزایی کانون بہرگ ۳۷۷ استثمارئے وهدا سال ۱۸۶۰ ایساییا رند منگ بوتگ. اے کانونئے ردا ہما چیز کہ آیا «بیتبیین جنسی رابته»، گوشنت چو کہ گوون ہمجنسا رابته، اشیئے آسر سچھین امرا بندیگ بئیگ یا لس ترین ہالتا دو سالا بگر تان دہ سالا جیل و بند انت. جتاین پٹ و پول و چارگانی ردا کہ چہ لہتین گلانی نیمگا چو کہ لزبین، گئے، دوجنس پسند و ترنس و میان جنسانی میان اُستمانی گل «ایلگایا»<sup>۵</sup> بوتگ انت، بوت کنت کہ

<sup>۵</sup> ILGA

پاکستانا جنسی و جنسیتی اکلّیتانی بارئوا جزایی کانونانی ائمال اسلامی رهبندانی ردا ہم ببیت، گڑا چه شلاکئے ۱۰۰ زربتا بگر تان سنگسارا انچین سزا دیم کاینت. یک اهوالیئے ردا کہ سال ۲۰۰۷ آ شنگ بوتگ، بهرگ ۳۷۷ ئے حسابا کیشترین وهدان مردین همجنس پسند گون کزایی رندگیریا دیم کپنت، هالانکه هما کانونانی ردا کہ آیانی سرشون اسلام انت گون اے کزایی رندگیری و سزایان جنین لذبینانی دیم کپگ هم بوت کنت.<sup>۶</sup>

«سارا سُهئیل»<sup>۷</sup> پاکستانی آراتین جھدکار و کویر فمینیستا جنسیتی پچارانی تهر تهری و استئماری بُنجاورا جنسی اکلّیتانی بارئوا گون شش رنگا گوشت: «چه هر هبریا پیسر اش که هجرّا که ترنس جنینانی دپتر واهندیں راجمان انت، هزاران سال انت که اے کسان-هشکناتا جهمند انت، گڑا اے پچار دپتر واهندیں پچارے. برتانیهئے استئمارا اے پرگنگئے آیگا رند چو مارت که جنسیتی تهر تهریئے اے دروشم په آبیئے شاھی هئیاال و دیدانکا هترے، گڑا آیانا گون کبیلھی رهبند و کانونان ردکاری زانت. همجنس پسند و دوجنس پسندانی بارئوا اش که ربیدگی حسابا آیانی سرا مدام هدگیشینی بوتگ. آ مدام بوتگ انت بله گون انکار و همه ربیتا بزان «جسته مکن و چیزے مگوش» دیم کپتگ انت.»

<sup>۶</sup> <https://www.ecoi.net/en/document/1071070.html>

<sup>۷</sup> Sara Suhail

یک نبشتا کے پروری ۲۰۱۳ آ «ویوپوینٹ (دیدانک)»<sup>۸</sup> تاکبندا چاپ و شنگ بوتگ، اے نبشتانکا «وسیم التاپ»<sup>۹</sup> نامین انسانی ہگانی جھدکاریئے نیمگا ہئوالہ دئیگ بوتگ کہ اسلاما ہمجنس پسندیئے سرا تھر تھرین ہکوکی نزریہان تھر تھرین وڑ و پئیما چاریت. گوں ہمے نبشتانکئے چارگا گندیں کہ پہ نمونہ تُرے «ہنپی مدرسہ»<sup>۱۰</sup> ہمجنس پسندیں رابتھان «زنا» نرانت، «شفیتی مدرسہ»<sup>۱۱</sup> ہمجنس پسندیں رابتھان زنا زانت. بلہ اشیا زنا زانگ ہم سچھین کسہ نہ انت. چیا کہ لہتین ہکوکی مدرسہ ہست کہ اشانی نزا زنائے سزا پہ سور کرتگین مردم و سور نکر تگینان جتا انت. پہ نمونہ «مالکی مدرسہ»<sup>۱۲</sup> نزا سور کرتگین مردمانی بارئوا زنائے سزا سنگسار انت و سور نکر تگینانی بارئوا شلاک انت. ہالانکہ دگہ لہتین ہکوکی مدرسہ ہست کہ آیانی نزا دوینانی سزا سنگسار انت.<sup>۱۳</sup>

پاکستانا جنسی اکلیتانی سرا پرکاری، اشانی جھل جنگ و ہکیر لیکگ و ہما «بے آپیئے پؤلنگ»<sup>۱۴</sup> کہ جنسی و جنسیتی اکلیتانی راجمانا لگینگ بیت چوناہا مہزبی باورانی بُنیاتا بنت و پہ انسانی رابتھانی جوڑینگا جاورا پہ اے راجمانا سگ نگینگ کننت. بلہ چہ دگہ نیمگے ہما بدلی کہ سئیم جنسئے بارئوا پاکستانا بوتگ انت و ہما کانون و رہبندانی منگ کہ

<sup>8</sup> Viewpoint

<sup>9</sup> Waseem Altaf

<sup>10</sup> Hanafi School

<sup>11</sup> Schafiitische Rechtsschule

<sup>12</sup> Maliki School

<sup>13</sup> <https://www.ecoi.net/en/document/1071070.html>

<sup>14</sup> Stigma

اے بارئو دیمرئوترین آنت، اے یک جاوریئے بارئو ہال دنت کہ گون انچین  
دگانگیان دچار انت کہ جنسی و جنسیتی بنگپانی سرا پہ آدگہ تپسیران ہم  
امکانئے دران پچ دارنت.

## جنسی و جنسیتی اکلپتانی بارئو پاکستانی راجمانئے دگانگی



«گاردینا» پاکستانی ہجڑایانی شنگ بوتگین آکسے

«گاردین»<sup>۱۵</sup> روتا کا شنگ بوتگین نبشتانکیئے تھا اے جاورہالئے بابتا پگاتریں  
وڑیا اشارہ کنگ بوتگ. اے نبشتانکا گوشگ بوتگ کہ ۲۰۰۶آ «پرپیژ مشرپ»<sup>۱۶</sup> و  
«جرج بوشئے»

<sup>15</sup> Guardian

<sup>16</sup> Musharraf Pervez

دیدارئے پریس کانپرنسا اکلّیتانی بودناکیئے بارئوا تران کنگ بیت. اے  
 نبشتانکئے ردا، چو جاہ نئیئت کہ پریس کانپرسئے وهدا چہ اکلّیتان مُشرپئے  
 مولّ و مراد ہمجنس پسند ہم بوتگ أنت، بلہ ہمجنس پسندانى بهریئے  
 هئالِش انت کہ پاکستانئے کلى جاورهالا یک «اوپارے» گیش بئیان انت چو  
 کہ زانا پہ زانت کوشست کنگا انت کہ چہ درگوز کنگ و ڈالچار کنگئے راها  
 همجنس پسندیئے سرا منفیین مارشتان کم بکنت و پہ همجنس پسندان  
 جیڑها گیشتر پیچیدگ مکت.

اے نبشتانکا اشیئے سرا اشارہ کنگ بیت کہ «هجڑایانی» هما رمب پاکستانئے  
 سجهین شهرانی تھا هست أنت کہ آیانی اتنیکی بُن تان مگلانی اهدا سر بیت  
 بلہ همک وهدا گون اشان کاریگین وڑا ترندی نبیت.

اے نبشتانکا پاکستانی همجنس پسندیئے گوشگئے ردا پاکستانا دود و ربیدگی  
 دئیگرئے تهرے هست کہ تان هدد و کساسیا آدگه مردمان پہ زند گوازینگا مؤه  
 دنت. سجهین اے سرپدیانی ائواری پاکستانئے جنسی و جنسیتی اکلّیتانی  
 بارئوا پیچیدگین جاورهالیا پیش داریت. باید انت وتی یاتا بیارین کہ گوستگین  
 سالان همے دگانگین جاورهالئے تھا بوتگ کہ مارائنتے مکابلهان جنینانی بهر  
 زورگ چہ «پنجابی»<sup>17</sup> منسبدارانی نیمگا مکن بوتگ و همے پیما چہ سور و  
 آروسا دُن جنین و مردینانی جنسی رابتھے آسر بلکین پاھو ببتین.

<sup>17</sup> Punjabi


بله انگت بوت کنت کہ دود و ربیدگی جیڑہ انچین دگانگین جاورئیے تھا  
 «امکانئے» ہسابا شم بجوڑیننت: «ہمجنس پسندین مردین تواننت وتی  
 رابتھان چیراندریا بدارنت، چیا کہ دود و ربیدگئے ہسابا راجمان تان ہد و  
 کساسیا گوں یکدومیا مردینانی نزیگ بئیگا «آدیین» چیزے زانت. تنتنا اگن  
 مردین دگان و لس مہلوکی جاگھان یکدگرئے دستا بگرننت، اجبین چیزے زانگ  
 نبیت. بله انگت ہمجنس پسندی ہم دگہ ہر چیزئیے پیما کہ گوں «جنسی  
 رابتھا» بندوک انت سگ باز مہرمین چیزے زانگ بیت، تابوے جوڑ بوتگ و مکن  
 بوتگ»<sup>۱۸</sup>

زرباری آسیائے بازیں ملکان چو کہ پاکستان سئیم جنسے راجمان بزبان  
 «ہجڑایانی» راجمان ہست انت ہما مانائے ہسابا کہ نبشتانکئے بنگیجی بہرا  
 آئیے نیمگا اشارہ کنگ بوت. انگریزی زبانا اے مفہوم «ترسجندر»،  
 «میان جنس» یا «سئیم جنسے» لبزانی تھا رجانک کنگ بنت. بله چہ اے  
 لبزان ہج یگے بلکین ہجڑائے پگائین رجانک مہبت، چیا کہ انگریزی زبان و دود  
 و ربیدگا سئیم جنس و ہجڑایانی دود-ربیدگی و سرگوستئے بُنجاور دپتری  
 ہسابا نبوتگ. پمیشکا کہ ہر پرگنگئیے زبانا مئوجودین مفہومانی ریشگ و  
 بُن مان آراجمانئے دود و ربیدگ، دپتر و راجمانی سیادی و رابتھان انت، چو  
 سرپد بوت کنین کہ پاکستانی راجمانا پہ «سئیم جنسے» جنسیتی پجائے  
 «منگا» راجمانی و دود-ربیدگی بُنجاور بوتگ. بله باید انت اے ہبرا وتی یاتا  
 بدارین کہ گیشترین دود و ربیدگ و راجمانانی پیما، ترسجندر و  
 «سئیم جنس» بالادستین راجمانی دود-ربیدگا جہل جنگ و آزارئے

<sup>18</sup> <https://www.theguardian.com/world/2006/mar/14/pakistan.gayrights>

وسیلہ ہم بوتگ آنت۔ بلکہیں اے میانی و پیچیدگین جاورہال بتوانت جنسی و جنسیتی اکلیتانی ہکوکے بازیں جھدکار و گلانی دلگوشا سئیم جنسے مسلہئے سرا و چہ اشیا جرمنے دور کنگا تلپچ و مانا بکنت۔<sup>۱۹</sup>

ترنسجنڈر (تی) و جنسی اکلیتانی راجمانے (ال. جی. بی) آدگہ بہرانی نیاما  
شم



تأمر «پوشیدہئے» یدارگے کہ پاکستانا جنسی و جنسیتی

اکلیتانی بارئوا انت و پئیزان پئیزا اڈ کرتگ

<sup>19</sup> <https://read.dukeupress.edu/tsq/article-abstract/3/1-2/158/91715/Khwaja-Sira-Activism-The-Politics-of-Gender?redirectedFrom=fulltext>

چو گندگ بيت که پاکستان جنسی و جنسیتی اکلیتانی جنزئے یک نگیگی پدرا بیگ و درشائے نگیگی انت. اگن اشیئے سرا چمشانک دئیگ ببیت چو گندگ بیت که پاکستان جنسی و جنسیتی اکلیتانی راجمان ناھگ و انساپین کانوانی وسیلھا و انچش ہم سیستماتیکیں راجمانی پرکاریانی وسیلھا سرجمین وڑا چه لس مهلوک و راجمانا دور کنگ و گستا کنگ بنت.

پئیزان پئياز<sup>۲۰</sup> مستندیں تامر، پووشیده<sup>۲۱</sup> بزبان ال جی بی تی راجمانئے چیراندرین زندئے سوچکار گلگداریئے تھا اے بارئوا گوشیت: «چیراندرین زند ہم پاکستانئے دود و ربیدگئے مهمین پهناتے. چو که پوره هما وهدا که ال جی بی تی راجمانئے بازیں باسکه مئے چپ و چاگردا هست، زندئے اے تهر باز کم منگ بیت، همایتی کانون و اے راجمانئے اژت کنگا بل.»<sup>۲۲</sup>

بله جنسی و جنسیتی اکلیتانی انکار و چیراندریم کنگئے سیاست، و چه راجمانی پڑان آیانی دور کنگئے سیاست همک وهدا برابرین وڑا کار بندگ نبیت. اے نگیگی جتاین وڑان ترنسجندر و جنسی اکلیتانی راجمانئے آدگه باسکانی بارئوا چو که «ال جی بیئے» بارئوا

---

<sup>20</sup> Faizan Fiaz

<sup>21</sup> Hidden

<sup>22</sup> <https://outrightinternational.org/blog/inside-lives-pakistan-lgbt-interview-filmmaker>



بیت و اے وت ہم جنسی و جنسیتی اکلّیتانی راجمانا و اشیئے جنزئے تھا ہم  
توکی نگیگیئے تھا بدل بوتگ.

سارا سُهئیل اے بارئوا گون شش رنگا گوشیت: «انوکین پاکستان، ترنس و  
هجرایانی پجّارئے و همجنس پسندی پجّارانی نیاما مزنین پرکے هست.  
ترنسجنر گون کانوئے کار بندگا ابزاریئے حسابا وتا چه همجنس پسندان دور  
دارگا انت. آیان توانتگ پاکستانے همے اسلامی کانوانی تھا وتی دپتری پجّارا  
بمئینت. بله همجنس پسندی انگت چیراندیمین چیزے. ته گرا ترنسجنر و  
هجرایان لس مهلوکی و راجمانی دروشمه هست هالانکه همجنس پسندان  
هچبر لس مهلوکی و راجمانی دروشمه نبوتگ. اے چیز وتا گواچنی شمیئے  
دروشما جنسی و جنسیتی اکلّیتانی راجمانئے تھا هم پیش دارگا انت.»

## پاکستان «سئیم جنسئے» بُنگپ

گون استئماری سرگوست، کم و گیش راجمانی اوپار و اسلامی کانوانی  
درنزارداشتا پاکستانی راجمانا ترنسجنرانی مسلها هاسین پیچیدگی مان انت  
و اگن ترنسجنرانی جاورهالا گون جنسی اکلّیتانی آدگه مردمان دیم په دیم  
بکنین و بچارین گندی که اے پیچیدگیان املئے امکانے و گیشترین زرمبشتی  
بُنجاورے په اے پڑئے جهدکاران تئیار کرتگ.

سارا سُھئیل اے بابتا گوشتیت: «پمیشکا کہ ہجڑایان دپتری پجّارے ہست، اشان پدّرین دروشمے ہست و راجمانی ساڑی بئیگ و ہزورے۔ ہرچنت جنسیتی پجّار یک انچین چیزے نہ انت کہ اشیا (سرجمیا) چیراندیم کرت بکنئے بلہ ہجڑا و ترنسجندر گون جورشتی، راجمانی و کہولی آزاپجّاریان دیم پہ دیم انت۔

ترنس و میان جنسین بازیں کوڈکے چہ وتی کہولان راندگ بنت۔ بلہ پمیشکا کہ اے آزارپجّاری و راجمانی راندگ بئیگانی دیم بوشتنت، وتی کسانین ٹولی و پھنیامین پجّیگین زبانے جوڑینتگش، و اشیا توانتگ تان ہد و کساسیا ہجڑایان راجمانی ایمنی و پجّارے بدنت۔» سارا وتی ہبرئے سرا زور دنت و گوشتیت: «استئمارئے دئورانا پیسر راجمانئے تھا گون ہجڑا و ترنسان باز گیشتر اوپار کنگ بوت۔ گون استئمارئے آیکا اے چیز بدل بوت۔ مروچیگین پاکستانا شما ترنس و ہجڑایانی بازیں ٹولیه گندیٹ کہ سیاسی، گزرانکی و راجمانی ہسابا گستا کنگ بوتگ انت۔»



بزان پاکستانا ترنسجندرانی بارئوا دوین هبر راست بوتگ. چه یک نیمگه هجرایانی آراتین جنسیتی پچارا دپتری سرگوسته بوتگ و چه دگه نیمگه اے پچارے هلاپا آزارپجاری و راجمانی دست پشت جنگ سیستماتیکین وڑا هم بوتگ. جوڑشتی پرکاریانی همراهیا، راجمانی دور کنگ و اکلیت ساچیا په اے راجمانا رۆزیکگے در گیجگ تان هما هڏ و کساسا سگ و گران کرتگ که چه هجرایانی مسترین اڑ و جنجالان یگے لاپئے کشگ و رۆزیکگے در گیجگ انت. نون پاکستانا انچین جاورئے تھا «سئیم جنسا» گیشتر چه «پنڏگ» و «جنسی کارگریئے» راها وتی رۆزیک در گیتکگ. اے سئوب بوتگ که اے چه تهر تهرین جهل جنی و چنت لاین پرکاریان بگوزنت و اشانی جاندراهی و سلامت هم مدامین هترانی آماچ بییت.





ترنس و هجرایانی مسلہئے سرا سَجھین راجمانی نشان و سرگوست چو کہ ترنس پجائے دپترواھندی، پہ گیشترین ہمبستگیا چہ ترنسانی جندئے نیمگا هوربست و کسانین ٹولیانى جوڑینگ، پہ ترنس و سئیم جنسئے پجائے منینگا کانون و رھبندانی بدلینگ و تنتنا پہ پاکستانئے پارلمانا اے راجمانئے باسکانی کاندید بئیک، اے سَجھین گیشا چہ گیش ہمے چیزا پیش دارنت کہ ترنس جھدکار کہ گوستگین دھکان پہ وتی رگینگا کر و گورین جاگھان وتی کسانین مچی اش جوڑینگ اتنت، اشان توانتگ مان گوستگین دھکا چہ

پیسریگین وهد و زمانگان گیشتر پرنزمین کار بکننت.

سارا سُهئیل اے بارئوا گَوشیت: «کانونی بدلی چه هکپانین رم، فمنیست جهدکار و هاس چه ترنس جهدکارانی همسنتیئے راها بوتنت. اے سنتئے بُنجاهی بهر ترنس جهدکار بوتنت و دیم په انچین بدلیان رهشؤن. اشان دگانی سرا، پلیسئے ادارهان و دگه بازیں جاگهیا وتی جهد دیمما برتنت. چه میان اُستمانی گل و ادارهانی زور و زرابئے راها چو که چه «تپاکین راجانی دیمروئی پروگرامئے»<sup>۲۳</sup> راها اشان پاکستانئے سرکار زور کرت و چه هما گڈی همسنتیئے وسیلها که اشان گون فمنیست جهدکار و هکپانین رم و جهدکاران هستات، اشان توانت کانونی بدلیان بیارنت.»



سئیم جنسئے مسلہئے سرا جاورہائے زرمبشی بئیکا توانئین مان ہما دزبندیا شوہاز بکنئین کہ سال ۲۰۰۹آ پاکستانے مستر ہکدیوانئے دیما پیش کنگ بوت. ہمے سالآ ات کہ پاکستانے مستر ہکدیوانئے کازیا «سئیم جنسئے» پجّارے ردا ترنس و ہجڑا انچئین جہمندانی ہسابا منّت کہ راجمانی برابرئین ہگ و زمہش ہست.<sup>۲۴</sup> «مانی ائے، کیو»<sup>۲۵</sup> کہ «ایلگا»<sup>۲۶</sup> گلئے باسکے، ہمے وهدا کہ پاکستانا کانونی بدلی آتگ آنت آوت جنسیتی اکلئیتانی جہدکارے ات و انچش ہم ہئوپ گلئے (تہنا مسبتئین امیت بداریت)<sup>۲۷</sup> ٹھینوک و اشیئے بند و بستی کاردربر. اے بارئوا گون شش رنگا گوشیت: «ہما دزبندی کاگد کہ سال ۲۰۰۹آ ملکئے مستر ہکدیوانا پیش کنگ بوت، اشیا لہتئین کمی ہست ات. سال ۲۰۱۶آ «ہندستان اُستمانئے مجلسا»<sup>۲۸</sup> کانونی بلے تئیار کنگ و پیش کنگ بوت و اے سال ۲۰۱۷آ مان ہندستانا ترنسانی منگئے بل ات. اے بل ترنس راجمانئے باسکانی جدا تئیار کرتگ ات. اے بلے کاپی چہ ہکومتئے نیمگا تپاکئین راجانی گل-مئیارانی کارمانئے کمیشنرا دئیک بوت کہ اشیا پدا بدرؤشمیننت. بلہ اے اشانی زمہا نہ ات، ہاس کہ اشیا گیشتر «ہجڑایانی» مسلہئے سرا زور داتگ ات. چہ اشیا رند یک فمنیستی ٹولیے گون لہتئین جہدکاران کہ من ہم چہ آیان یگے اتان اے بارئوا درافتئیے تئیار کنگا گلایش بوت و اے درافت گون سئیم جنس و جنسی و جنسیتی اکلئیتانی راجمانئے گیشا چہ گیش و رنگ رنگترین

<sup>24</sup> <https://web.archive.org/web/20090718093830/http://www.dawn.com/wps/wcm/connect/dawn-content-library/dawn/news/pakistan/metropolitan/14-sc-orders-equal-benefits-for-transvestites-zj-02>

<sup>25</sup> Mani AQ

<sup>26</sup> HOPE - Expectations Positive Only Have

<sup>27</sup> HOPE - Expectations Positive Only Have

<sup>28</sup> Lok Sobha

بہر زورگا سرجم بوت و پاکستانا ترنسجنڈرانی پلہ مرزی بلئے دروِشمئے تھا  
بدل بوت و گڈسرا ما اے پیش کرت۔»

انچش کہ مانیئے گلگدارا ہم گندگ بیت، سئیم جنسئے مسلہئے سرا  
پاکستانئے تھا بدلی گون ہندستانئے جنسی و جنسیتی اکلّیتانی جنزا ہم  
ہمگرنچ بوتگ انت بزان ہما پیما کہ اے دوین ملکانی تھا استئمارئے دپتر و  
جنسی و جنسیتی اکلّیتان مئیاربار زانگ چہ برتانیہئے استئمارئے راہا گون  
یکدومیا ہمگرنچ بوتگ انت۔

سارا سہئیل وتی ہبرا دیما بارت و گوِشیت: «ہندستانئے جنسی اکلّیتانی  
جُنزا پہ راستی مارا امیتوار کرت۔ مردم استئماری بہرانک ۳۷۷ئے کوٹاہ کنگا  
چہ ہندستانئے مستر ہکدیوانئے نیمگا مزنین ہبرے زاننت۔ پاکستانئے جُنزا  
زلور چہ ہندستانا سکین زرت۔ ما اشیا چارین کہ ہندستانا چونکا اے چیز  
بندات کرت کرت۔ زلور ال جی بی تیئے سرا مئے چم ایوکا گون ہندستانا نہ انت  
ما نپال، بوتان، شری لَنکا و زرباری آسیائے دگہ ملکان ہم چارین»

سال ۲۰۱۱ء، ملکئے مستر ہکدیوانئے شئور اے پیما بوت کہ ہر پاکستانیے کہ  
وتا چہ جنسیتی دگانہا بزان چہ جنین و مردینا دُن گوِشیت، آتوانت گون آیدی  
کارتئے لوٹگا اے پجارا رسمیت بدنت۔ چہ اے بدلیان و رند کہ چہ ترنسجنڈر  
جہدکار و آیانی فمنیست و ہکپانین پلہ مرزانی کوِشستئے راہا بوتنت،  
پاکستانا ترنسجنڈرانی راجمانا سیاسی و راجمانی جتاین پڑان گیشتر بہر زرت  
کرت و اشانی بارئوا گیشترین منگ و اوپارے بوتگ۔ پہ



درور ائولی رند ات کہ ۳۲ سالیگین «سنم فخیر»<sup>۲۹</sup> نامے کہ ہجڑائے ہسابا منگ بوت پہ پارلمانے نمائندگیا کاندید بوت. آہیا گون تہم و جرتے جار جت و گوشتی: «ہجڑایانی راجمان چہ ناچی و پنڈوگرا ڈن انت»<sup>۳۰</sup>.

چہ اے بدلایانی مہمترین نشانیاں یگے ہم ازمی و ہنری بُنجاہ و مراگشان ترنس و ہجڑایانی راجمانے گیشترین بہر زورگ و گندگ بئیگ انت. ترنسجندرین جہدکار «کامی»<sup>۳۱</sup> کہ سال ۲۰۱۶ آ «پاکستان و دانمارکے تامر، دایلگ و ازمنے»<sup>۳۲</sup> مراگشے برجہ دارگا کاریگین کردے بوتگی، ازمی مراگشے تھا اے بارئوا گوشیت: «دگہ بس انت، ما ہم انسان این. ما ہاسین ہگ و ہکوکے نلوٹین، مئے لوٹ اش انت کہ مئے برابرین ہگ منگ بنت»۔ کامی ہما مراگشے تھا گوشیت: «ما انچین جاوریئے اڈ کنگے رندا این کہ آہیئے تھا راجمان وتی کلی مانائے ردا گون ترنس و سئیم جنسان دئیگرا ببیت»۔ سال ۲۰۱۴ کامی وت چہ اے مراگشے برجہ داروکان ات. گون آدگہ گل و رمانی ہمایت و ابتکارا اے مراگش آدگہ شہران برجہ دارگ بوت. پہ درور کراچیئے شہرا ربیدگی بُنجاہ «تی. تو. افا»<sup>۳۳</sup> ہم برجہ دارگ بوت کہ «سابین مہمودا»<sup>۳۴</sup> اڈ کرتگ ات. سابین مہمود سال ۲۰۱۵ آ تیر وارت و کشگ بوت. چہ آہیئے بیران بئیگا رند

<sup>29</sup> Sanam Fakhir

<sup>30</sup> <https://www.pinknews.co.uk/2013/02/26/pakistan-first-trans-woman-in-general-election-says-the-community-is-more-than-dancers-and-beggars/>

<sup>31</sup> kami

<sup>32</sup> Film Art& Dialogue Festivals AKS

<sup>33</sup> T2F

<sup>34</sup> Sabeen Mahmud

«ماروی مزھر»<sup>۳۵</sup> اے بُنجاھئے کاردربر بوت. مزھرا مان اے مراگشا گوشت:  
 «منی ہئیالا اے ائولی پروگرامے ات کہ مان اشیا ترنس (ترنسجندر) چاروک آ  
 دگہ تھر تھرین چاروکانی ہمراہیا مچ بوتنت تانکہ گوں یکدگرا وشنین وھدے  
 بگوازینت»<sup>۳۶</sup>.



اکسئے بارئوا: ترنس دژمنین آزارپجاریانی ہلاپا، و پہ ترنسان ہمایتی کانوانی  
 پلہ مرزیا زھرشانی کنوک مارچ ۲۰۱۸ لاهورئے شہرا دگانی سرا مچ بوتنت.

دیم پہ اے پڑئے جھدکارانی جھدانی دیما برگا کہ پیسرا مانی و سارایا اشیئے  
 بارئوا کمے گوشتگات، و تان سال ۲۰۱۸ آ کہ سئیم جنس کانونی بوت، اے نیاما  
 پاکستانئے جتاین شہران ہجرآ، ترنس و اشانی پلہ مرز کہ دگانی سرا مچ  
 بوتگاتنت گندگ بوتنت. چہ اے زھرشانیان یگیئے تھا کہ سال ۲۰۱۵، پیشاورئے

<sup>35</sup> Marvi Mazhar

<sup>36</sup> <https://de.qantara.de/inhalt/transgender-aktivismus-in-pakistan-das-dynamische-dritte-geschlecht>

شہرا بوتگات، آرات یورپئے رئیڈوئے اھوالکارا گوشت کہ مچ بوتگین مردمانی  
لوٹ اش انت کہ پہ ترنسجندران ہمایتی کانون



سازگ و منگ بنت. ۳۷ دگہ یک مُچّیئے تھا کہ سال ۲۰۱۷ آ بنوئے شہرا بوت، آ دگانی سرا مُچّ بوتنت و اشیئے سرا کہ آیانی ناچ کنگئے جاگہ کہ پہ آیانی کٹ و کارا اسری بوتگ و بند کنگ بوتگ، زہرشانی اش کرت. ۳۸

ترنسجندرانی جنزئے سرا دگہ یک اسردارین دپتری واکیہے سدان ترنس و ہجڑائے زہرشانی انت کہ ۲۰۱۸ ئے گرماگا پیشاورئے شہرا بوت. اے زہرشانی چہ «نازو» نامین جنین ترنسیئے کُشگ و آبیئے جوئے ٹگر ٹگر کنگا رند بوت کہ یک سور و آروسیئے جڑنا بوتگ ات. اے زہرشانیان ہجڑا و ترنسان وتی بارئوا ہمایتی کانونانی سازگ و منگ لوٹنت.

گڑا چو بوت کہ چہ سئیم جنسئے جنسیتی پجّارئے منگ و انچش ہم ترنس راجمانئے جہمنندی ہگ و اوبالانی رسگا رند، ہما ہگ و ہکوک و کانون کہ باید انت اے راجمانئے بارئوا ہمایتی کردے بیئتش، اشانی لوٹگ گیش بیان بوت؛ پہ سئیم جنسا ہما ہمایتی کانون کہ باید انت راجمانی پرکاری و راجمانا برجہ بوتگین جوڑشتیئے دیما اشانی پلہ مرزیا بکنت. نیٹ اے ہمایتی کانون ۸ آگست ۲۰۱۸ آ چہ پاکستانئے راجی ستئے نیمگا منگ بوت و اشیئے بنیاتا پہ دیمگری و سئیم جنسئے بارئوا پرکاری و آزارپجّاریئے ہلایا جاورئے جوڑینگ و برجہ کنگا سگ مزنین گامے چست کنگ بوت.

اے ہمایتی کانونئے ردا باید انت وانگجہ و کاری بُنجاہان سئیم جنسانی ہلایا پرکاری و آزارپجّاریئے دیم کاریگین وڑیا گرگ بیئت. انچش ہم اے کانونئے ردا باید انت میراس برگئے بابتا ہما مردمانی جاورہالئے بابتا کہ انچین پجّارے ہستش ہاسین بدلی بیئت و

<sup>37</sup> <https://www.rferl.org/a/pakistan-protests-transgender-pkg/27417367.html>

<sup>38</sup> <https://www.rferl.org/a/pakistan-dance/28659344.html>

انچین گامگئج زورگ ببت کہ پہ راجمانئے اے بہرا کہ کہوئل و راجمانئے ہڈ و ابیلا گوئن ازیت و آزارا دچار آنت لوگ پناہی بُنجاہ اڈ کنگ ببت. انچش ہم پہ ہما مردمان کہ انچین پچارے ہستش، اگن آ جیل و بند کنگ بوتنت اے کانوئے ردا اشانی دیمپانی و ایمنی چارگ ببیت.<sup>۳۹</sup>

## ۲۰۱۹ تان ۲۰۲۴، پاکستانا کانونی بدلی

سئیم جنسئے کانوئے منگا رند پاکستانئے جنسی و جنسیتی اکلّیتانی بارئوا بدلی

گوئن ترنسانی ہمایتی کانوئے منگا کہ سال ۲۰۱۸ آ بوت، مسبتین گامے کہ دیم پہ پاکستانئے جنسی و جنسیتی اکلّیتانی راجمانئے دیمرویا چست کنگ بوت.<sup>۴۰</sup>

اے کانونا آتکگ کہ ہرکس وتی جنسیتا گچین کرت کنت؛ مردین، جنین، ہردو یا چہ اشان ہچ یگ. و آبیہا ہگ ہست کہ وتی جنسیتی پچارا رسمی کاگدانی تھا ایلان بکنت چو کہ راجی آیدی کارت، پاسپوٹ، دلپوری لئیسن و وانگئے ساٹپیکئیٹا.<sup>۴۱</sup>

اے کانون میراس برگ، وانگ، کارا لگگ، لس مہلوکی اگدھانی سرا بئیگ، بہداشت، مچی و چہ لس مہلوکی جاگہ و مدیان بہرمند بئیگئے ہگان مانزمانی کنت. بل ترے اے کانون گوئن ہلاپین ٹولیانی چو کہ تانسرپسندین اسلامیستانی پدین ایرازگیریا دیم کیت.

<sup>39</sup> [https://www.queer.de/detail.php?article\\_id=31150](https://www.queer.de/detail.php?article_id=31150)

<sup>40</sup> [ [https://na.gov.pk/uploads/documents/1526547582\\_234.pdf](https://na.gov.pk/uploads/documents/1526547582_234.pdf) Transgender Persons (Protection of Rights) Act]

<sup>41</sup> [ <https://6rang.org/10895/>]

سال ۲۰۲۳ء، پاکستانی شری پدرال ہکدیوانا اسلامی رہبندانی ہسابا اشیئے بہرے نمنگی زانت و باتل گوشت۔ اہوالانی ردا کازیانی مزن کارمستر سئید مہمد انور و چہ اسلام آبادی شری پدرال ہکدیوانا ہادم ہسئینا حکم دات کہ ۲۰۱۸ء ترسنجندر کانون بہر ۲ء f و بہر ۳ و ۷ اسلامی تالیمانی ہلایا انت ہالانکہ اے کانونے بہر (n) ۲ شریئے ہلایا نہ انت۔ شری ہکدیوانے ہکمے ردا چش انت کہ اسلامی تالیم مردمان انچین مؤکلے ندنت کہ وتی دلکشیا وتی جنسیتا بدل بکننت۔ ہکدیوانے ہکما پگا کرت کہ ہر مردمیئے جنسیت باید انت ہما پئیمما بمانیت کہ پیدا بئیگئے و ہدا پہ آییہ گیشینگ بوتگ۔ ہاس بہر ۷ گئیر کانونی گوشگ بوت چیا کہ چہ اشیا مردمان ہمے مؤکل دئیگ بوت کہ پہ گڈ و میراسئے گرگا وتی جنسیتا وت بگیشیننت۔ ہکدیوانا ہمے ہبرئے سرا کہ گڈ و میراس باید انت گوون مردمانی زندانکی جنسیتا ہمدپ ببیت زور دات۔ اشیا ابید ہکدیوانا گوشت کہ اے نارٹوائین کارے کہ مردم ڈن چہ وتی جنسیتا وتی پجارا ہاجہ سرائے ہسابا (میان جنس یا اینترسکس) بکننت، اگن گوون وتی زندانکی جنسیتا پرک و درکش ببیت۔ اے ہکمے ردا ہکدیوانا پگا کرت کہ ہاجہ سرا نتواننت وتی جنسیتا بدل بکننت یا کہ مردین یا جنینئے ہسابا وتی پجارا بکننت۔

انچش ہم سرکار پہ اشیا کہ داکتری، تالیمی و مالی آسرائانی تئاریا پہ ہاجہ سرایان بکننت و اشانی ہگ و اوبالان سررہبندئے ردا بمنیت، زمہوار زانگ بوت۔ شری پدرال ہکدیوانا پگا کرت کہ اسلام ہاجہ سرائے مفہوم و اشانی بارٹوا کانون و رہبندان منیت و انچش ہمے

ہبر ہم پگا کرتگی کہ اشان ہگ ہست کہ چہ سچہین ہما بُنیاتی ہگ و  
اوبالان کہ سر رہبندا آتکگ آنت بہر مند ببت۔<sup>۴۲</sup>

بلہ انگت اے کانوئے سچہین مئواد تان دوار چاریئے گامانی آسرا ماننت۔ ہما  
ہندی ٹولی کہ ترنسانی پلہ مرزیا کننت، اشان گوشتگ کہ پہ دوار چاریا دزبندی  
کننت۔<sup>۴۳</sup>

ترنسجنڈرئے لبز اولی رندا ہٹوپ گلا<sup>۴۴</sup> سال ۲۰۱۹ء بُنگیجا اردو زبانئے تھا  
کارمرز کرت و مُتجنسئے<sup>۴۵</sup> لبزئے تھا رجانک کنگ بوت۔ چہ اد و پیسر ہچ  
پئیمین گالبند یا رجانکے گندگ نبوت کہ اردوئے تھا پہ سچہین ترنسان کارمرز  
کنگ ببیت۔

پہ ہمے مکسدا اکتوبر ۲۰۲۲ء، پاکستانئے سرکارا سرکاری ٹلپون لاینے  
آزار پجاری و ترنس دژمنیئے ہلایا ٹھینت تانکہ پرکاری، آوارجنی و کوشئے دیما  
ترنسانی شرترین دیمپانیے کنگ ببیت۔ ترنس سرجمین روچا و شیا بزان  
بیست و چار ساہتا آزار و ازیتان ہال دات کننت و پلیس ہما مدتئے  
سربوتگین اہوالانی سرا چار و گزار کننت۔ نئیب الی، پاکستانی ترنس جھدکار  
مراکشئیئے تھا کہ پہ ٹلپون لاینئے پچ کنگا برجم دارگ بوتگات گوشت: «پہ  
مئے دیمپانیا اے دپتری واکیہے»۔<sup>۴۶</sup> چیا کہ پاکستانا ازیت و آزارا ابید کوش و  
آوارجنی ہم باز برا ببیت۔

چہ اشان بازیئیئے ہال ہچبر پلپیسئے کرا سر کنگ نبیت و تان ہد و کساسیا  
اشیئے سئوب

<sup>42</sup> <https://arynews.tv/transgender-act-2018-federal-shariat-court-pakistan/>

<sup>43</sup> [<https://76crimes.com/2024/01/02/2023-world-same-sex-marriage-and-lgbt-rights-progress-part-3-asia/>]

<sup>44</sup> HOPE (Have Only Positive Expectations)

<sup>45</sup> (mutajannis)

<sup>46</sup> [https://www.queer.de/detail.php?article\\_id=43385](https://www.queer.de/detail.php?article_id=43385)

اشِ انت کہ تاوان دیستگین مردم گۆشنت کہ مارا چه ترندیں بیگریریا ترس  
هست پمیشکا پُلِیسا هال ندئیین.

سال ۲۰۲۳ء بنگیجا، سندئے اُستانا سرکاری سئیکترا یک درسدی بهرے په  
ترنسان ایلان کرت. سند پاکستانے ائولی اُستان ات کہ هندی سرکاران په  
ترنسان بهرے گیشتینتی. سئید رانی سندئے اتلائتے وزیرا جنوری ۲۰۲۳ آ  
ایلان کرت کہ بانداتا چه هندی و پرگنگی سرکارانی کرسیان یک درسد په  
ترنسان دارگ بیت. رانیا وتی هبر دیما برت و گۆشتی: «ترنس مردمانی مارشت  
باید انت همه ببیت کہ آ چه راجمانا بهرے انت.»<sup>۴۷</sup>



<sup>47</sup> [https://www.queer.de/detail.php?article\\_id=44421](https://www.queer.de/detail.php?article_id=44421)



## بارین بوت کنت کہ پاکستان گون برجاہین کانوان ہما ملکانی تھا ہسابا بارین کہ پہ جنسی و جنسیتی اکلیتان ایمنین انت؟

بیست و پنج سالیکین آلینا ہان پاکستانی ازماکرمے (Actor) و لاہورے  
مردمے. آکہ سال ۲۰۲۳ آ «پاکستانے شائستگین ترنس جنینے» ہسابا  
گچین کنگ بوت گون ہانا الہیتامیا وتی گلگدارے بھریے تھا گوشیت:  
«اے کانون ایوکا کاگدے سرا انت. بژن انت کہ مروچان مے راجمان ترنسے  
پجارا نمیت. ہچ ہگ و رہبندے پہ آیان ائمال نبیت. اگن یک ترنسے کُشگ  
بیت، ہچکس اہوالے سر نکنت و پٹ و پوے نکنت. ہر وھد یک کوڈکے  
ترنسیے ہسابا وتا پدّر کنت کنت، آییے اے کار پہ کہولا لچ بروکین چیزے  
ہساب آرگ بیت و آچہ اشیا و رند کوڈکا ہمایت نکنت. گیشترین وھدان ورنا  
وتی لوگا یلہ کنت. اشان پہ کار یا در برگا کمین شانسے ہست و ابید چہ  
پنڈگ و لوٹگ یا جنسی کارگریا دگہ راہ و درے نیستش.»<sup>۴۸</sup>  
بل ترے پاکستانے سرکارا گوستگین چنت سالا کم و گیش ترنس ہمایت  
کرتگ انت بلہ جنسی و جنسیتی اکلیتانی آدگہ ٹولیانی سرا زور و زراب گیش  
بئیان انت. شری پدرال ہکدیوانا وتی دزبندیے تھا مئی ۲۰۲۳ آیلان کرت کہ  
ہمجنس پسندین (فہیشاہ) سلوک

<sup>48</sup> <https://www.amnesty.de/informieren/amnesty-journal/pakistan-sexuelle-rechte-lgbtq-trans-film-joyland-alina-khan-interview-ich-habe-dafuer-gekaempft-teil-dieser-gesellschaft-zu-sein>

و رپٽار چہ "اکلاکیاتا ڏن" انت. و «چہ اکلاکیاتا ڏنن اے رابته چہ شئیتانئے کار و املان انت.»<sup>۴۹</sup> و اے ڏٽولا رسمی هسابا آیانی هلاپا نپرت چست کننت و آزارپجاریئے جنوازا ڏئینت.

چار آگست ۲۰۲۳، هما گل که هسوسی دربرگی کارگلانی بابتا رهبنڊ ٺهینیت (PEIRA)، اشیا «راجمانزانتی کرسئے کتابئے» چاپ و شنگ و بهر کنگ و وانینگ مکن کرت چیا که اشیئے تها همجنس پسندانی سور و آروسئے بارئوا لهتین چیز آتکگآت.

مارچ ۲۰۲۲ آچہ اشیا رند که دو نودربرا راجمانی رسانکدرانی تها پُستییے هسابا یک کلیئے شنگ کرت که مزندربرجاهئے تها پاٺییا پیش دارگاآت که همجنس پسندی مزمون و تمه هستآتی، کراچیا سرکارئے تجارتي مدیریتیے گلا (IBA) چہ اے نودربران یگے سالیئے کڏا چہ وانگا ماٽو کرت و آدگه نودبری تان وانگی سالیئے گڏسرا چہ اشیا که مزندربرجاهئے هڏ و ابیلا مان بیت و مزندربرجاهئے امکانات و آسرائان کارمرز بکننت، مکن کرت. سرکاری مزندربرجاهئے مدیریٽا رسانکدری جاریئے تها اے گلئے هر پئیمین کار که «رهبنڊ و اکلاکئے» هلاپا ببننت مهکوم و مئیارینگ کرت.<sup>۵۰</sup>

سال ۲۰۲۰ آ پاکستانئے منسبداران گراینڊر<sup>۵۱</sup>، نامین اپلیکئیشن بند کناینت که په همجنس پسندی مردینان سنگت درگیجگئے اپه آت. منسبدارانی پیش کرتگیین دلیل اش آت که اشیا «گئیر اکلاکی و ناشائستین مئواد» شنگ کرتگ.<sup>۵۲</sup>

<sup>49</sup> [ <https://arynews.tv/transgender-act-2018-federal-shariat-court-pakistan/> ]

<sup>50</sup> [ <https://en.dailypakistan.com.pk/31-Mar-2022/two-students-suspended-for-arranging-lgbt-themed-party-at-iba-karachi> ]

<sup>51</sup> Grindr

<sup>52</sup>

[https://www.lsvd.de/media/doc/1245/ilga\\_world\\_state\\_sponsored\\_homophobia\\_report\\_global\\_legislation\\_overview\\_update\\_december\\_2020.pdf](https://www.lsvd.de/media/doc/1245/ilga_world_state_sponsored_homophobia_report_global_legislation_overview_update_december_2020.pdf)

تہ گڑا پمیشکا کہ مزین کساسیا مہزب گون سیاستا اوار بوتگ و کانون ساچیا شریٹے کانون و رہبندانی دزمانگیجی هست، چو بوت نکنت کہ پہ انسانی هگ و اوبالانی پیلئو بئیگ، جنینانی هگ و جنسی و جنسیتی اکلیتانی هگ و اوبالانی سرجم بئیگا امیت بداریں، و بژن انت کہ چہ همجنس پسندی رابتھان جرمتے دور کنگ انچین چیزے نہ انت کہ نژیکن باناداتا بوت بکنت۔

میان اُستمانی لس پہلی گل-آگست ۲۰۲۳ء اھوالا آتکگ کہ ترنسانی پلہ مرزی کانونے منگے سرا مسلمانین کچہ چین و تانسرپسندانی شکایتے سئوبا، پاکستانے شری پدرال هکدیوانا هما بهر کہ جنسیتی پچار، چہ مردمانی جندے نیمگا جنسیتی پچارے گیشینگے هگ، و گڈ و میراسے هگے بارئوا اتنت، ترنسانی بابتا اے بهر اسلامے رہبندانی هلاپ گوشت و هکمی دات کہ اے بهر دارگ بینت۔<sup>۵۳</sup>

رھاب ماھامور میان اُستمانی لس پہلی گلے پٹ و پولی کمک کارا هما هکمے جوابا کہ ترنسانی پلہ مرزی کانونے لھتین بهرانی پادمال کنگے سرا چہ پاکستانے شری پدرال هکدیوانے نیمگا دئیگ بوتگات، گوشت: «اے هکم پاکستانا ترنسجندرانی راجمانے هگ و اوبال و هما مردمانی هگ و اوبالانی هلاپا تاوانے کہ جنسیتی جتاین تھرش هست۔ اشیا ابید اش کہ دیوانے لھتین مشاهدات تجربی سبوتانی جاگھا ممکنین سناریوانی ردا اتنت۔ ترنس و هما مردم کہ آیان جنسیتی جتاین تھر هست، اشانی بُنیاتی هگ و اوبالانی انکار نباید انت گون هما گمانان رھشون ببیت کہ اشانی بنزہ کست، ترس و پرکاری انت۔ هر گامگیجے کہ پاکستانے سرکار پہ ترنسانی پچارے هگے انکار و هما مردمانی پچارے هگے انکارا زوریت کہ جنسیتی جتاین تھرش هست، اے گامگیج انسانی هگ و هکوکے

<sup>53</sup> [<https://www.amnesty.org/en/latest/news/2023/05/pakistan-revocation-of-rights-of-transgender-and-gender-diverse-people-must-be-stopped>]

میان اُستمانی کانون و رھبندانی ردا بزان مدنی و سیاسی ھگانی میان اُستمانی اھد و انسانئ ھگ و ھکوئئ کانونشنئ ردا اشانی زمرھانی ھلاپا اِنٹ.<sup>۵۴</sup> جنینانی ھلاپا ھرپئیمین پرکاریانی دور کنگئ کانونشن<sup>۵۵</sup> کہ پاکستان ھم چہ اشیئ دزنام کنوکان یگے، اے کانونشنئ گرز اش اِنٹ کہ پاکستانئ سرکار اشتاپی گامگیچ بزوریت تانکہ زلوری کمک و مدتانی کوٹاہ کنگئ دیم دارگ بییت، اگن اے گامگیچ زورگ مینت ترنس و ھما مردم کہ آیان جنسیتی جتاین تھر ھست تنتا چہ پیسرا گیشرتھر گوون ازیت و پرکاری و آزارپُجاریا دچار کینت.<sup>۵۶</sup>



<sup>54</sup> ICCPR

<sup>55</sup> CEDAW

<sup>56</sup> Ibid

گوڻ پاڪستانئ شري پدرال هڪديوانئ (ملڪئ مهزبي مسٽر هڪديوان)  
نوڪين هڪما پنج سال پيسرا واترگ ايوكا پاڪستاني ترنسان پرڪاري و  
آزارپجارياني آماچ نڪنت بازين ترنسيا كه چه همساھگين ملڪان لڏتگ و  
پاڪستانا آتگ آنت گوڻ اے چيزان دچار پرينيت. سال ۲۰۲۳ء اھوالاني ردا  
بازين ائوگانستاني ترنسة كه گوڻ تالبانئ آيگا لاچاريا پاڪستانا نندوك  
بوتگ آنت، گوڻ ديپرت و پاڪستاني پليس و گيش پسنديں مسلماناني ترنديں  
آزار و ازيتان دچار كپنتت و پاڪستانئ سرڪارا هم اشاني ديمپاني و همائت  
نكرتگ. ۵۷



<sup>57</sup> <https://www.bbc.com/news/world-asia-67474187>

گوں بازیں اڑاندانی بئیگا ہم پاکستانا جنسی و جنسیتی اکلّیتان چیراندیرین  
 جہد کرت و ہوربندیں بدلانی اڈ کنگا گلایش بوتنت. پاکستانا اے جنزے  
 سرگوستے سرا پٹ و پوئے بہرے اش انت کہ چہ ہندستانے جنسی و  
 جنسیتی اکلّیتانی جنزا اشیا دلبدی رستگ و چہ اشیئے مہمترین چیلنجان  
 یگے اش انت کہ پاکستانا جنسی و جنسیتی اکلّیتانی راجمانے ہاسین بہرے  
 بزان ہمجنس پسند و ہمجنس پسندیں جنسی و اہساسی ہئیال چیراندیم  
 انت، گندگ نبنت و لس مہلوکے دیما زاہر نبنت. بلہ انگت گوں پاکستانے  
 سئیم جنس و ہجڑایانی جنزا و اشیئے سوّبانی چارگا مان گوستگیں سالان  
 زانیں و سرپد بیں کہ باید انت دیم پہ ستم آماچین مردمانی، و جنسی و  
 جنسیتی گستا کرتگیں ٹولی و اکلّیتانی نپا چہ مؤجودیں مؤہان گیشترین  
 پائڈگان بزورین. انچش ہم زانیں و سرپد بیں کہ مدنی جہد باید انت دیم پہ  
 هاموشین تئوارانی زورمند کنگا ببنت کہ بے میان استمانی پلہ مرزی و  
 ہمایتان ہجّ انت کہ پہ پاد آیکا چنت سری تاوان بدئینت. پاکستان پرگنگے  
 ملک و ہمساهگین ملکہ و پاکستانا جنسی و جنسیتی اکلّیتانی سرگوست  
 پہ ما سگ مہم انت و امیت انت کہ اے ہاس پہ ایرانے ترنس راجمانا دلبدیے  
 ببیت.

گچینکاری بُنجاورا پاکستانی ترنسجنڈرانی جاورھالئے بارئوا رویترزئے نبشتانک:

<https://www.reuters.com/article/us-pakistan-lgbt-transgender/pakistans-transgender-community-says-faced-pushback-at-general-election-idUSKBNIKG2OT>

کنترھئے نبشتانک - «اکلیتیئے هگ و اوّبال»

<https://de.qantara.de/inhalt/transgender-in-pakistan-menschenrechte-einer-minderheit>

پاکستانا ترنسجنڈرانی آزار دئیگ و کوشئے هلاپا «آزات یورپئے» رئیڈوئے

اهوال:

<https://www.rferl.org/a/transgender-protest-pakistan/29443925.html>

راجمانی رسانکدران شش رنگ:

📷 [instagram.com/6rangiran](https://www.instagram.com/6rangiran)

🐦 [twitter.com/6rangiran](https://twitter.com/6rangiran)

📠 [telegram.me/Iran6Rang](https://t.me/Iran6Rang)

📘 [facebook.com/6rang.Iran](https://www.facebook.com/6rang.Iran)

📺 [youtube.com/user/6rangIran](https://www.youtube.com/user/6rangIran)

✉ [info@6rang.org](mailto:info@6rang.org)

🌐 [www.6rang.org](http://www.6rang.org)



شش رنگ شنگکار (ایرانی لژیین و ترسجندرانی کاردام)

[www.6rang.org](http://www.6rang.org)